

ՀԻՆ ՈՒ ՆՈՐ ԱԹԵՆՔ

ԿԱՍ

ԱԿԵՐԱՎՆԵՐԻՑ ՈԳԻ ԱՌԱԾ ՄԻ ՆՈՐ ԿԵԱՆՔ

ՅՈՎՀԱՆՆԵՍ ՏԷՐ-ՄԻՐԱՔԵԱՆԻ

(Շարունակութիւն և վերջ)

Թող հիմա մեզ հետ քաղաք մտնի հարցասէր ընթերցողը: Ահա Բէ-
ղէկեր գերմանացու ընտիր ուղեցուցը, որի ժողովածոններով մենք կարող
ենք ամբողջ աշխարհ շրջել՝ առանց մինի պէտքն զգալու: Մենք իջեա-
նում ենք մի հիւրանոց, բաւականին մաքուր տնեակներով ու անշան
վարձով: Մենք տեղեկանում ենք ի միջի ալլոց, որ ալսպիսիներ շատ կան
և Աթէնքի պանդոկապետների մասին պատմած առասպելներն ալսպիսով
անհետանալ են սկսում իմ լիշութեան մէջ: Ալժմ դուրս գանք և ալցելու-
թեան երթանք մի բժշկի, որին մի լանձնարարական ենք բերել: Մի քանի
լունարէն նախադասութիւններ Բէղէկերից պատրաստած՝ քաղում ենք
դանդը, սպասուհին գալիս է և մենք հաղիւ հաղ միմեանց հասկանում
ենք: Ենձ ներս են հրաւիրում, ի հարկէ, իբրև մի օտարական հիւանդի:
Իմ անծանօթ բժիշկը ժպտերես ինձ ընդունում է, իսկ ես մի վալքիւան
ոտի վրա մնացած՝ նրա հարցական նալածքին պատասխանում եմ գեր-
մանական քաղաքաւարութեամբ և ալլ լեզուով ալսպէս. «տարաբաղդա-
բար ես հիւանդ չեմ, ալլ ճանապարհորդ» և ներկայացնում եմ չարձնարա-
րականս: Միջոցաւ նա կարդում էր, ես մտածում էի, թէ արդեօք գերմ.
լեզուն աղբեց ինձ ալլ դարձածը, թէ մի պատահական բան էր աչն: Պ.

1) Տես «Մուրճ» № 9.

բժիշկը իւր զմիւռնիացի հալոնակցի և ընկերակցի նամակը կարդալով՝ աւելի սիրալիր ընդունելութիւն արեց ինձ, իւր լիակատար պատրաստականութիւնն ինձ լատենելով և միայն պաշտօնապէս զբաղած ժամերի համար ներողութիւն խնդրելով։ Այս անգամ չի կամենալով խանդարել՝ ես գեղեցիկ տպաւորութիւնով ցտեսութիւն ասելով հեռանում եմ ալս համակրելի երկտասարդից, փողոց ելնելով՝ Բէդէկերի նախագիծը բացած՝ ես որոնում եմ հիմա մի ճարտարապետի նախարարութեան պաշտօնատեղում, ոտկան երբ ալս վերջինի ուր լինելու մասին հարցնում եմ մի ուսուցչապետի, նա պատասխանելով որ ալսօր Աւագ հինգշաբթի լինելով մարդ չի լինիլ ալնտեղ՝ հետաքրքրւում է իմ դրութիւնով և հարցնելով թէ արդեօք գերմաներէն խօսում եմ, իսկոյն մտերմանում է ինձ հետ։ Այդ բարի ծեր գիտնականը, որ շուտ շուտ շնչասպառ էր լինում, խմանալով որ ես գլխաւորապէս իմ ուսանող կեանքի ընկերներից մէկն եմ նախ դտնել ցանկանում, մոռացաւ իւր ցաւը և առաջ ընկաւ։ Նա բարձրացաւ, ես բարձրացաւ, քանիցս ներողութիւն խնդրելով, բայց բարի մարդը մինչև անգամ վալր ի վերոյ տեղեկութիւններ ունենալով իմ ընկերի և նրա բնակարանի մասին՝ երկար հարցոսկործներով զտաւ։ Այս մարդուն իմ ալցնտմըն ներկայացնելով և սրտազին շնորհակալութիւններ լատենելով՝ մօտեցաւ իմ բարեկամի դրանը։ Մեր ուրախութիւնը մեծ էր, երբ առիթ էր ներկայանում մեզ ուսանողական ալն գաղափարական կեանքից եօթը տարիներ լետով իրական հողի վերալ միմեանց անպասելի կերպով տեսնելու և անցեալը ներկայի հետ բաղդատելու։ Եւ ահա ալս մտածմունքների և զգացմունքների բնական ընթացքը մեզ անմիջապէս մանկավարժական հողի վերալ է դնում։ Իսկապէս ալ կերպ էլ չէր կարելի։ մենք միմեանց մանկավարժ էինք տեսել ու ալնպէս էլ տեսնում էինք, ևս նախ բաւականաչալով մի երկու ակնարկներով իմ գործունէութեան ասպարիզի մասին խօսակցութեան թելն իմ ընկերների ձեռքը տւի։ Նրա պատմածից ցաւօք սրտի տեղեկացալ, որ շնորհով վերջին քաղաքական փոփոխութիւնների՝ ինքն էլ զրկւիլ էր պետական պաշտօնից և հիմա գործում էր մի համեստ մասնաւոր դպրոցում։ Եւ նա տեղուր խօսքերով աւելացրեց, որ առաջ ալսպէս չէր, գոնէ ուսումնարանները զերծ էին մնում ալս անվերջ փոփոխութիւններից։ Այսպիսով իրականացած տեսալ նաև իմ ընկերի վերալ, որ նոյն իսկ պետական ծախսերով էր ուսում առել, ալն տեղուր իրողութիւնը, որ ես նկարագրել էի դէպի կղզիներն արածս ուղեւորութեանս մէջ։ Թէ Սամոսում և Թէ Յունաստանում մի օրւալ մէջ կարող է կրթական գործին նւիրած մարդը միմիտրից սկսած մինչև ամենախղճուկ ուսուցիչը պաշտօնից զրկւիլ և հազարատը ընտանիքներ թշուառութեան մատնելով՝ աներեակալելի դառնութիւն ու գծութիւններ առաջացնել։ Նոյնն է նաև օտարապատակ լոյների մէջ, ուր կուսակցական կրքերը հողաբարձունքի և առաջնորդների ձեռքով Թէ քանդում են գործը և Թէ

մինչև անգամ վատութիւնների տեղիք տալիս: Այս տեսալ ու լսեցի ինչպէս կզղկներում, նույնպէս էլ փոքր Ասիական Անգլէս չէ, սիրելի ընթերցող, այս շատ ընտանի է թւում քեզ, կարծես մեր հպակական գործերն եմ նկարագրում: Եւ երբ մենք դառնանք այս երկու ժողովուրդների անցեալին, երբ նրանք մանրիկ տէրութիւնների բաժանւած մինչև այն աստիճան էին հասցնում իրանց նախնանքի կիրքը, որ թշնամիների հետ միանալով միմեանց կործանման պատճառ էին լինում որքան նմանութիւն ենք տեսնում: Բայց սակայն երկուսն, շնորհով իրանց արտաքու կարգի ձիրքերի՝ միշտ նորից ու նորից ամբողջում ու կազդուրում էին:

Այս տխուր ներածութիւնից լետու նա աւետեց, որ աշխատանքայնիւ իւր հպարտութիւնում արդէն շատ դործ է առաջացել, որ ես աւելի պիտի ունենամ տեսնել բոլորովին եւրոպական և աւելի գերմանական կազմակերպութիւններով և աշխարհի յարմարութիւններով բազմաթիւ դպրոցներ, որոնք Գերմանիայումն էլ շատ չենք տեսնում: Ապա անցնելով դպրոցները ղեկավարող բուն մանկավարժական խնդիրներին՝ մենք բաւականին տաք վիճաբանութեան մէջ ընկանք: Բանն այն է, որ թէև երկուսս էլ Հերբարտ-Յիլլէրեան մանկավարժութեան ինչ-ինչ կէտերը և Ռալֆու ընկերութեան գործերից մասամբ անկաշող օրինակներ բերելով՝ ձգտում էր ջրել գլխաւոր սկզբունքները կամ նսեմացնել: Նա միեւնոյն ժամանակ հպարտութիւնով և աւանդին շնչով ինձ վիշտացնում էր, որ արդի մանկավարժական սկզբունքների արմատներն արդէն իւր նախահպարտից են ծագում: Եւ այս մասին խոստովանելով՝ մնացի նույնքան ջերմ Հերբարտ-Յիլլէրեան՝ որքան իմ բարեկամը Հերբարտ-Շտոյեան: Այս ասելով ես երբէք չեմ կարող մոռանալ իմ սիրելի ուսուցչին, այն ծերունազարդ աղջիկ Շտոյին, որ մարմնացեալ մանկավարժական զգացմունք ու խորհուրդ էր: Եւ ինչպէս կարող էի նրան մոռանալ, երբ այս բոլորիս էլ ինչպէս միշտ, նրա պատկերը սեղանիս վրայ, նրա հոգին հոգուս հետ՝ թէ՛ նայում է իմ դրչին և թէ՛ շարժում նրան: Երբ ես կամենում եմ Պետտալոցցին աւելի կենդանի ներկայացնել ինձ, ես միշտ մտաբերում եմ իմ այն սիրելի ուսուցչապետին, որ վերջին շունչն էլ բառիս բուն նշանակութիւնով, փչեց մանուկների համար: Պէտք էր նրան տեսնել հուր ու բոց դառած՝ ամբիոնի վրայ, պէտք էր նրան տեսնել մալիսեան շրջագալութեանը պալուսակը կախած, զաւաղանը ձեռին և արքայական վեհութեամբ երգեցիկ և փոշահար մանուկների առջևից քալելիս, երբ նա իւրաքանչիւր քալապոխի երկու երեք ցաւաղին շունչ էր քաշում, պէտք էր վերջապէս նրան տեսնել մեծ ճանապարհորդութիւններին աշակերտների հետ պանիր հաց կամ

մի կտոր երչիկով օրեր անցնելով, գիշերները մի ըստն խոտի վերայ պառկելով և ան ժամանակ հասկանալ, թէ ինչ է մանկավարժական ոգին, Ուստի, երբ խօսք բացեց մեր մէջ այս ազնիւ սրտի մասին, մենք երախտագիտական սրտով լիչեցինք ան գեղեցիկ օրերը և ան խաղաղամտութիւնով համոզում էր մեզ ու հանդարտացնում մանկավարժական զգացմունքներով լուզած մեր երիտասարդական սրտերը մանկավարժական վիճաբանութիւնների ժամանակ՝ *criticum* (քննադատութիւն) անւանալ ժողովեւրում, Եւ ան ալս ժամուս էլ նրա լիշատակը մեզ հաշտեցրեց, և մենք դիմեցինք դէպի վեհապանծ հնութիւնները:

Մենք Լիկաբէտ լեռան ստորոտից, որ քաղաքի հիւսիս-արեւելեան կողմն է գտնւում, ուղիղ և գեղեցիկ փողոցներով իջնում էինք դէպի «Սահմանադրութեան հրապարակն», երբ մեզ պատահեցին թագաւորն իւր դստեր և հսկալ ժառանգի հետ, որ վերջերս անուն հանեց ռուս կաշտերական թագաժառանգին մահւան վտանգից ազատելով: Սրանք բոլորովին առանձին վերադառնում էին ասպատանից և պարզ մարդերի տալստութիւն գործեցին իմ վրայ: Այլ առիթներով մի երկու անգամ ևս տեսաւ թագաւորական տան անդամներին, նաև համակրելի թագուհուն, որ հանգուցեալ իշխ. Կոնստանտին Նիկոլաւիւիչի դուստրն է: Սրբ ևս Պրիւշլով կանգնող ռուսական մարտանաւերի զինւորների հետ մի անգամ խօսակցութիւն ունեցաւ, նրանք հրճւածով պատմում էին, թէ ինչպէս թագուհին շուտ-շուտ իրանց այցելութեան էր գալիս և իւր պարզ վարմունքով իրանց սիրտում օտարութեան մէջ: Թագաւորական ապարանը, որ նուց հրապարակի վրայ է գտնւում, արդէն հնացած մի հասարակ շինութիւն է, միայն ետեի կողմն ունի մի շատ ընդարձակ ու հովասուն պարտէզ հարուստ ու բազմապիսի բուսականութիւնով: Այս ապարանի առաջ միշտ նստած են լինում, մի պահակի կանգնած զինւորից զատ, 10—15 ուրիշներ, որոնք անմիջապէս կարգի են գալիս, երբ թագաւորական տան անդամներից մէկը գալիս կամ դնում է և փողերն հնչեցնելով՝ ժողովրդի ու շահրութիւնը ան կողմն են հրաւիրում: Եւ այս զինւորներին զիտելով տեսաւ, որ սրանք նոյն իսկ թագաւորական ապարանի առաջ իրանց շատ ազատ էին պահում և իրանց մեծաւորի հետ խօսելիս կարող են «քէֆով» ձեռքերն էլ ետները ծալած կանգնել... Ընդհանրապէս չը դիտեմ արհամարհական, թէ մտերմական պէտք է անւանել այս շահրութիւնները նախնի դէմօկրատ աթէնացիների ներկալ սահմանադրական թռուների կեանքում:

Մենք դուրս ելանք այս վերին աստիճանի ընդարձակ ծառազարդ հրապարակից, որ ժողովրդի երեկոյեան զլխաւոր զրօսալիւսն է և շատ կողմերից գիշերները երկտրական պալժառ լուսովն է շողողում իւր մարմարոնեալ ապարաններով: Այս հրապարակի համարեա արեւմտեան կողմը գտնւում է Ակրոպոլիսը՝ հին Աթէնքի փառք ու պարծանքը: Այս միջնա-

քերդի ստորոտը հիմա շրջապատւած է գեղեցիկ ծառաւորով, որ սակաւ ջրի սակաւութեան պատճառով շատ սուղ է նստում: Այստեղ՝ միջնաբերդի հարստալին ստորոտում մեր առաջ նախ բացւում է Դիոնեսեան կամ Բաքոսի թէատրոնի շքեղ տեսարանը, որ համակենտրոնական մարմարոտեակ աստիճաններով բարձրանում է դէպի Ակրոպոլիսը: Այս շքեղ աստիճանների թէ ընտանեակները և թէ նստարանները բաւականին լաւ պահպանւած են և վերջիններս վրայ առաջին կարգում կարգացւում են նշանաւոր պետական անձնաւորութիւնների, քրմապետների անունները, որոնց լատկացրած էին Նրանք: Այս թէատրոնը կարող էր մինչև 30,000 հանդիսական ընդունել: Վարը կենտրոնում գտնւում է հելլենական թէատրոնի երկրորդ մասը՝ բեմը, որ իւր նեղ ու երկար ուղղանկիւն քառանկիւնի ձևով տարբեր էր ներկայ կազմակերպութիւնից: Այս երկու մասերից զատ բեմի մօտ գտնւում էր նաև երաժշտարանը (օրքէստրա): Սրա մէջ տեղւում գտնւում էր Թիմէլէ կամ Դիոնիսիոսի տաճարը, որի նւագահանդէսներից ծագում առան թատերական խաղերը: Այս թէատրոնը ներկայումս էր գինու աստծու, Բաքոսի տաճարի շրջապատի մէջ, Նրա պաշտամունքը Բէօտիայից ներածւելով անմիջապէս միացաւ մնջկատակութեան ներկայացումներին հետ:

Այս թէատրոնից քիչ հեռու՝ Նոյն Ակրոպոլիսի ստորոտում՝ երևում են հեռուից Հէրովդէս Ատտիկեանի Օդէոնի բարձր կամարները հռոմէական ճաշակով, որոնք ճշտիւ լատինի չէ ինչ նպատակով բարձրանում էին այս թատրոնի առաջ: Այս նշանաւոր հնութիւնը իւր գոյութիւնով պարտէ Հէրովդէս Ատտիկոսին, հռոմէական մի երևելի ընտանիքի անդամին, որ իւր հօրից անհամար հարստութիւնների ժառանգելով ի վշտառակ իւր կնոջ որ Նոյնպէս մի հռոմէացի ազնւական ու անւանի ընտանիքից էր՝ Նրանց շինեց: Թէ մէկը և թէ միւսն այս թէատրոններից իրանց շքեղութեան հետ ունէին նաև մի մեծ ձայնարանական առաւելութիւն, որ բեմի վրայ արտասանւած մի աննշան շշուկ անմիջապէս լսւում է որոշակի հազարաւոր ունկնդիրներին բոլոր կէտերում:

Օդէոնի մօտից մի նրբուղիով բարձրանում ենք Ակրոպոլիսի բլրի ծառազարդ լանջը և մեր առաջ հետզհետէ պարզւում են Ատտիկեան չքնաղ ծովը, Նրա գեղեցիկ ընդհանգիծաներն ու պատմական կղզիները, իսկ մեր ոտի տակ՝ Նոր Աթէնքն իւր ամբողջ ճոխութիւնով: Մի քանի քաղ ևս և ահա մենք կանգնած ենք ծովից համարեա 200 ոտք բարձր՝ հսկայական և միևնույն ժամանակ հուկապ Պրոպիլէի (Գաւթի) առջև: Նրա մուտքի աջ կողմում՝ Թալոսի վրայ Նեկէ Ապտերոսի փոքրիկ ու սիրուն տաճարը, որի աչքերը կարծես ուղղակի դէպի Սալամինոն են դա ուղղւած: Մենք չամբ քալելով բարձրանում ենք աստիճաններից և մեր երեսկալութեան մէջ սկսում են կեսանք առնել ու մեր աչքերի առջև մարմնանալ այն հրաշալի աստածածնը, որոնք իրանց սիրելի մահկանա-

ցուներին ներշնչել էին ալդ աստածապին իղէալներն ու որոնց կերպարանաւորութեան ալս հիւսաքաղ հմտութիւնը, իմ ընկերը ալս օր էլ ողկորւակով իւր մեծ նախնիքների լիշատակներով սիրագորով սրտով մօտենում է ալս լիշատակներին ու ինձ բացատրում: Տեսնում էք, ասում է նա, դեռ Պանթէոնը (համաստածեան տաճարը) ամենևին չի երևում, մեր նախնի ճարտարապետները դիտմամբ նրան ալն դիրքն են տւել, որ ալցելւի ուշքն ու միտքը նախ ալս հրաշալիքների վրա կենտրոնանալ և նա հետզհետէ վալելով ալս հիւսանլի տեսարանները՝ շարունակ լաւած դրութեան մէջ մնալ նա: Ահա ձեզ և ալստեղ մի կտոր մանկավարժութիւն... Աւելնորդ է ասել որ թէ որմերը, թէ սանդուղները և թէ Դօրեան ոճի գեղեցիկ ու ահագին սիւները, ալսինքն՝ ամբողջ շէնքը ձիւնապալ մարմարինից էր որ հիւսա կարմել է: Ալստեղ մի բան աւելի է մարդու ապշեցնում. բաւականին բարձր սիւների խոլակները միացրած են քառակուսի հաստամարմին մարմարիոններով, որոնց երկալնութիւնը 7—8 ոտնաչափ և հաստութիւնը համարեա մէկ ու կէս, ալնպիսի ծանրութիւն ունեն, որ գեւջն կարող հասկանալ, թէ ինչ մեքենաներով կարող էին ալն ճարտարապետները ալդ ահագին ծանրութիւնները բարձրացրած լինել:

Երբ մենք ալս ընդարձակ գաւթից դուրս ենք գալիս, ալն ժամանակ մեր առաջ լանկարծ բարձրանում է հսկապական սքանչելի Պանթէոնը, որի վրա թափել էր հսկանական գեղարւեստը իւր բազմապիսի շնորհները: Պանթէոնը հին գեղարւեստի ամենակատարեալ արտադրութիւնն է և բարձրակէտը Ալլոպոլիսի բոլոր շէնքերի մէջ, նա թէ արտաքին և թէ զաղապարական տեսակէտից ալդ ամենի կենտրոնն է ներկալացնում: Նրա հիւմը 250 ոտք երկար և 105 ու լալնութիւն ունի և դրած է Պէրեկլէսից առաջ, չինած է իկտինոս և Կալլեգրատէս ճարտարապետների ձեռքով և աւարտած Պէրեկլէսի ժամանակ, որին վերաբերում է ալս պատիւը: Արտաքին զարդարանքները (օրնամէնտ) ընդհանրապէս Ֆիդիասին են վերագրում, որ ոչ միալն նախագծում և ընդհանուր հսկողութիւն էր անում, ալ և մի մասն իւր իսկական ձեռքով է քանդակել: Նա Պէրեկլէսի մտերիւմ բարեկամն էր և նրա աջ ձեռքը բոլոր հոլակալ շինութիւնների գործում: Ցաճարը չինած է դիտմամբ մի կոր լատակի վրա, որ աւելի գեղեցիկ ցոլց տալ չըջափակի 46 դօրեան բարձր սիւները: Ամբողջ տաճարն ունի 62 մեծ և 36 փոքր սիւներ: Մանաւանդ հիւսանլի է եղել տաճարի եռանկիւնաձև ճակատն իւր զարմանահրաշ արձաններով, որոնց միալն ողորմելի հետքերն են մնացել՝ շնորհով անգլիական ագահութեան և սըրբապղծութեան, ինչպէս վերևը պատմւեց:

Սարահարթի հիւսիսալին սահմանին մօտ գտնւում է Էրէլսթէոն տաճարը, հին Էրէլսթէոս տաճարի կողքին, որի մէջ պահւում էին Աթէնաս Պալլասի կամ քաղաքի Աթէնա պաշտպանի և ալ շատ աստածների մասունքների տուփերը: Նա ներփակում է ալն սուրբ վալն, ուր Աթէ-

Նսան ու Պոսիդոնը վէճ բացին Աթէնքին տիրելու համար։ Այս տաճարի հետ կապւած են Պոսիդոնի եռաժանիքով աղի աղբիւրի բղինցնելու և ձիթենու պաշտամունքների հին լիչատակաները։ Նա 480 թ. Ք. առաջ աչրւել է իւր ճւղրական ձիթենու հետ, որ 413—411 սկսւել է նորա վերաշինութիւնը և ապա ընդհատւելով 407 է աւարտւել։ Այս ենթացողութիւններ, որ այս տաճարը ծառայել է իբրև կնիզեցի և երբեմն՝ իբրև հարէմ մի տաճական փաշայի։ Այս տաճարը միջակ մեծութիւն ունի և ալժամ աչքի է ընկնում իւր վեց կանացի արձաններով, որոնք իբրև հիանալի սիւներ դարդարում են նախադասութիւն։

Ակրոպոլիսի հարաւային կողմում պարսպին կից 1878 թականից հիմնւած է Միջնաբերդի բաւականին ընդարձակ թանգարանը, որի մէջ զետեղւած են միաջն ալս բլրի վրայ գտնւած հնութիւնները։ Ի հարկէ, Պանթէոնից և ալ տեղերից անդլիպցիւնների լախտակած արձանների միաջն դաճեալ ընդօրինակութիւններն են ցուցահանած, սակայն հետզհետէ հարատեցած է ալս հիմնարկութիւնը շնորհով նորանոր գլուերի, որոնք ցոյց են տալիս թէ անսպառ են որոնց աղբիւրները։ Այս առթիւ ասնեք, որ վերջին 15—20 տարիների հետախուզութիւններն աչնքան բաներ լոյս աշխարհ հանեցին, որ լուսական թանգարաններն հետզհետէ պատկառելի կերպարանք են ընդունում՝ շնորհիւ դերմանական և ֆրանսական հնագիտական ինստիտուտներին և լուսական նոյնանուն ընկերութեան։ Նոյն խակ մեր աչնտեղ եղած օրերը Միջնաբերդի ստորոտում նոր բնակարաններ ու ջրուղիներ էին բացել։ Այս կաւալ քառակուսի և գլանաձև խողովակների մասին կարծիքները տարբեր են, որովհետեւ մի մասն էլ կողուղի է ենթադրում և ինչպէս երևում է՝ հռոմէական ժամանակներից, որովհետեւ ալս աղղը ճանապարհներ ու զանազան ներքնուղիներ չինելում լալուն է որ վարպետ էր։ Այս թանգարանի դաւթում աւելի աչքի են ընկնում մի մարմարոնեալ դահաւորակ, Աթէնասի արձանը, ձախ կողմը մի քառանկունի պատուանդան Աթէնասի, Զիւսի կամ Արամազդի, Հերմէսի և Հէպէստոսի հին բարձրաքանդակներով և մի կանացի արձան, որի ծնկան վարած է մի մանուկ։ Առաջին սրահում տախտակեալ մեծ դարակների վրայ չարած են մեծ-մեծ բարձրաքանդակներ, որոնց մէջ Հէրկուլէսինը և մի վալեւալազմ կնոջը աւելի ուշադրութեան արժանի են։ Նրկրորդ սրահում Նիկէլի տաճարի վանդակապատի մնացորդներ, Էրէխթոնի ծովորներ (ֆրիզսան մասեր), երրորդում քանդակներ Պարթէնոնից աւելի նշանաւոր Սիլէնինը և Հեփեստոսինը, զետի աստւած Իլիսոսինը և Պոսէդոնի արձանի մնացորդ և բազմաթիւ մանր արձանների խմբեր։ Ապա վեցերորդ սրահում աւելի աչքի է ընկնում Հերմէսի արձանը, որ հորթ է տանում կամ թերևս Թէզէոսինն է ալս՝ վալրի ցուլը վզին։

Նօթերորդում ապակեալ պահարանները պարուանկում են անապապղնձեալ բնկորներ, նկարւած անօթներ և մի մարմարոնեալ տախտակ

նուրբ բարձրաքանդակներով: Սրանցից զատ այս սրահում կան բազմաթիւ կաւեայ և մարմարոնեայ արձանիկներ: Եւ ութնորդում և ինննորդում վերովշեալները մասամբ կրկնուտ են և մասամբ ալ հնութիւններ են շարած, իսկ տասնորդում ուշագրաւ է Հերկուլէսի մարտը Հիդրալի հետ: շարած, իսկ տասնորդում ուշագրաւ է Հերկուլէսի մարտը Հիդրալի հետ:

Մենք դուրս գալով թանգարանից՝ բարձրանում ենք դեռ բաւականին լաւ պահպանւած պարսպի բարձրակէտը՝ Ակրոպոլիսի և քաղաքի վրայ մի ընդհանուր հայեացք ձգելու համար: Եւ ահա ալստեղ մեզ ներկայանում են հնութեան ոգիներն ալ և ալ կերպարանքներով՝ նոր ու լայնածաւալ Աթէնքին իշխելիս ու ոգեորելիս: Այս մակրաքաղաքը ամուլած լալն հովիտների ու դաշտավայրերի մէջ, բլրների շուրջը պատկառելի է, կարծես հեռուն շատ հեռուն դեռ ալդքան էլ կալ Նա մինչդեռ 1876 թ. միալն 30 հազար բնակիչ ունէր, հիմա աւելի քան քառապատկեւ է, որ ցոյց է տալիս որ լաւ ապագայ ունի:

Միջնաբերդից իջնելով մենք քալելուս ուղղում ենք դէպի հարաւ արեւելք, նախ տեսնում ենք վերովշեալ «Դիօցենեան Լապտերը» պատւանդանով 34¹/₂ ոտք բարձր, որ մի զլանած քանդակաւոր շէնք է: Ապա մեր առաջ բարձրանում է Ագրիանոսի կամարը 59 ոտք բարձրութիւնով ու քանդակներով: Ահա ալս կամարի առջևի քաղաքամասն էր որ Ագրիանոս պոլիս էր անւանում: Սրա տակից անցնելով մենք մօտենում ենք Ոլիմպեան Իւպիտերի հսկալական տաճարի աւերակներին, որ Արիստոտէլէս նկարագրելով անւանում է «բռնակալական մեծութեան գործ»: Տաճարն ունէր 100 սիւներ կորինթեան ոճի, որոնցից մի քանիսն են ալժմ կանդուն և հիւանալի են թէ իրանց քանդակներով և թէ 56¹/₂ ոտք բարձրութեամբ ու 5—5¹/₂ ոտք տրամագծով: Սա իւր մեծութիւնով Յունաստանի տաճարների մէջ երկրորդ տեղն է բռնում (353¹/₂ ոտք երկար և 134 ոտք լալն) և միալն Սփեսոսի Դիանալի տաճարիցն է գերազանցում:

Նոյն ուղղութիւնով լաւաջ գիմելով մենք հասնում ենք Իլիսոս առակլին որ թէն նոյն իսկ ապրիլին ցամաքում է, ունի պատմական անցեալ: Մենք անցնում ենք կամրջից և հասնում Ստադէոնը, ընթացորանը, ուր հելենական քաջակորով երիտասարդութիւնը մրցում էր Պանաթէնեան խաղերի մէջ: Այս խորհրդաւոր հանդիսավայրը շինել է ճարտասան Լիկուրգոսի առաջնորդութիւնով: Քրիստոսից մօտաւորապէս 330 տարի առաջ. նա մի պալտածն հարթ տարածութիւն է բլուրների ժողով կտրւած և ունի 670 ոտք երկաւնութիւն և 109 ոտք լալնութիւն: Բլրների լանջերում երեք կողմերից դեռ երևում են աստիճանների հետքեր, ուր նստոտում էին լարած ուշադրութիւնով տասնեակ հազարաւոր աթէնացիները: Պալտի ներսում, բլրի տակ բացւած էր մի ներքնուղի, որտեղից անցնում ու ժողովրդի աչքերից անհետանում էր ամօթահար պարուածը:

Այսպէս՝ այս առաջին օրն այսքան հարուստ տպաւորութիւններով մենք հիւրանոց ենք վերադառնում մի քիչ հանգստանալու և գիշերը նորից փողոց ելնելու, ուր մեզ սպասում են նոր կեանքի երեւոթները։ Ասօր Աւագ Հինգշաբթի է և ամբողջ քաղաքում առանձին շարժում է տիրում։ Աթէնական նոր կեանքը հնի հետ բաղդատելու համար ամենաբարեալող օրերն են զատակականները, երբ մարդուս ամենագեղեցիկ աւիթներ են ներկայանում՝ լոյների աւանդական «կրօնամոլութիւնը» բացատրելու։ Արդէն ալսօրանից իւրաքանչիւր քաղաքիւսում լսում ես, չնայելով ոտականութեան արգելման՝ ատրճանակների և պաթուցիկների ձալները, փողոցների մանրավաճառների մոմերը, ծաղիկներ, պատկերներ, գոյզգոյն ձուկ և ալն։ Գիշերն ոչ մի եկեղեցում ասեղ ձգելու տեղ կալ, մինչև առաւօտ ոտքի վրայ են։ Բաց աւելի չքեղ է վաղ՝ ուրբաթ գիշեր, երբ բաղմաթիւ եկեղեցիներից երաժշտական ու երգեցիկ խմբեր հազարաւոր ծխականներով մոմերը ձեռներին անցնում են գեղեցիկ փողոցներից, որոնք լուսաւորած են մասամբ ելեկտրականութիւնով, և դէպի հրապարակն են դիմում։ Շաբաթ գիշեր հանդիսի սիրտը մալր եկեղեցու ընդարձակ հրապարակի վրայ է, ուր բարձրացած է մի ընդարձակ փալտեալ բնմ, Հետեալ ու հեծեալորը կազմ ու պատրաստ սպասում է թագաւորին ու նրա ընտանիքին, քաջահմուտ ձիււորները ամբոխը ձեղքելով այս ու այն կողմն են արշաւում՝ կարգ պահպանելու։ Վերջապէս ժամը 12 հնչում է, նազաղացունքն սկսում են. թագաւորը զալիս է. իրարանցում։ Մթթէ այս արտաքու կարգի ծխականատրութիւնները, որոնք այնպէս ոգևորում էին այս ժողովրդին, զուտ քրիստոնէական էին. արդեօք նրանք կերպարանափոխութիւններ չէին այն կրօնական տօնախմբութիւնների (միստէրիաների), որոնց մէջ կրակը նշանաւոր տեղ էր բռնում։

Այն ուրբաթ օրը թանգարանները, համալսարանն ու ճեմարանը փակ էին, ուստի և ես դուրս ելնելով առաւօտեան՝ ուղեցի նոր քաղաքին ծանօթանալ, նրա չէնքերին ու բնակիչներին։ Այս առժամանակ զանց եմ առնում վերոյիշեալ հասարակական հիմնարկութիւնների արտաքինի մասին խօսելը։ Այստեղ ցանկանում եմ նկատել, որ այս մալրաքաղաքի լալն փողոցները, գեղեցիկ հրապարակները և հուսկապ տները կարող են իւրաքանչիւր եւրոպական քաղաքի պարծանքը լինել։ Աթէնքի առաւելութիւնը կազմում է ձիւնափալ ակնախտեա մարմարիոնը, այն աղնիւ նիւթը, որ պատճառ եղաւ հեղեմական սքանչելի քանդակագործութեան ալն աստիճանի զարդացման։ Սրբ ևս ալսօր ման էի զալիս Աթէնքի փողոցներում, երեւոթների նմանողութեամբ վիշողութեանս մէջ արթնացաւ Բուդապէշտի իւր նորաչէն հուսկապ ապարաններով։ Այս երկու քաղաքների ունեւոր դասը ճիգ են թափել վերջին քսան տարիներս, հալոնաւորական խնդրի են չլինել՝ իրանց սիրելի մալրաքաղաքներով չլացնելու օտարներին։ Այս չիրաւի բաւական չէ գեղեցիկ ու մեծ տներ ասել, այլ մա-

Նաւանդ Աթէնքի բազմաթիւ փողոցները զարդարած են մարմարոնեալ հողակապ ապարաններով: Բալց դրամադուլսը մասնաւոր շինութիւնների վրայ ծախելով, ուրեմն հին հելլենական բարեգործական ոգին, որի մասին վերը խօսեցինք, այլ ևս գոյութիւն չունի այս ժողովրդի մէջ: Սոսիալական կողմից արած սահմանապարհ. նկարագրութեանս մէջ մեծ հիացումով խօսել և՛ արդէն այս մասին, Յունաստանի կառավարութիւնը հետզհետէ աջակց խրուած է սարսափելի պարտքերի մէջ, որ եթէ ալսպէս երթալ, նրան դեռ երկար տարիներ անհնարին պիտի լինի մեծածախս շինութիւնների ձեռնարկելը¹⁾: Սև ահա այս ժողովրդի հին աւանդական բարեգործութիւնը լուսաւորած ժամանակակից զաղափարներով, մզած նորադոն ձգտումներով օգնութիւն է հասնում պետութեանը: Առաջին 2—3 օրերն, երբ ես այս կամ այն հիմնարկութիւնն էի տեսնում, հարցնում էի, թէ նրանք ինչ աղբիւրներից էին կառուցել և համարեա առանց բացառութեան բարեգործների անուններ էի լսում, աչնալս որ ևս հետեալ օրերն այլ ևս պէտք չզգացի ալսպիսի հարցեր առաջարկելու: Այսպէս՝ ես պէտք է գալի ալն եղբակացութեանը, որ աթէնացին ստելը բարեգործ ասել է, որ աթէնացու դրամը հասարակութեան դրամն է:

Կէսօրից լետով ալցելեցի իմ բարեկամ բժշկին, որի մօտ ինձ սպասում էր նշանակած ժամին Նաև մի այլ համակրելի երիտասարդ, Աթէնքի աստղադիտարանի տնօրէնը, մի ազնիւ և լուսաւոր հոգի: Այս երկուսի առաջնորդութիւնով հիմալ ես քալեիր ուղղեցի դէպի լաւերժաւարների բլուրն, ուր այս նոր կեանքում փոխանակ ալն չքնաղ էակների հրապուրիչ խրախճանքներին՝ տիրում է ալսօր աստղադիտարանն իւր լաւերժական ճշմարտութիւններով:

Դեռ տեղ չը հասած՝ «Հէլլենասիական ծառուղիից» անցնելով մեր առաջ բարձրանում է Թեզէոն կամ Թեզէոսի միջակ մեծութեան տաճարը,

¹⁾ Յունաստանի արդի դրութիւնով աւելի հետաքրքրողին տանք Նաև հետեալ տեղեկութիւնները. այս փոքրիկ տէրութիւնը դիրք պահպանելու համար հարկադրւած է իւր ուժից վեր ծախսեր անել և նոյն իսկ իւր սահմաններից դուրս ուսումնարաններ պահպանել: Նա իւր գոյութեան վիսնամեակի մէջ փոխ առաւ 23¹/₂ միլ. անգլիական ոսկի (ոսկին մօտ 10 ռուբլի), 1886-ին իջաւ այս պարտքը 15 միլիոնի, որի համար տոկոս և գլխամաս էր վճարում մէկ միլ. ոսկուց աւելի, ալսինքն՝ պետական եկամտի մի երրորդ մասը: 25 հազար քառակ. մղոն տարածութիւն և 2,187,000 քնակիչ ունեցող երկրի համար սա մեծ բան չէր համարում, բալց ծախքերը հետզհետէ աւելացան, իսկ եկամուտները միայն անշան լաւելում ունեցան: Սրանից զատ՝ 123 միլ. թղթադրամը 1886-ին 200 միլիոն ահաւոր գումարի հասաւ, ալնպէս որ նոյն իսկ 4000 ոսկու փոխառութիւն չը կարողացաւ անել կառավարութիւնը: Վերջերս հասաւ 600 միլիոնի Հիմա Նոր միլիստրութեան վրալ է երկրի չղար:

որ ոչ միայն Աթէնքի, այլ և ամբողջ Յուստատանի հնութիւններից ամենալաւ մնացածն է։ Այս տաճարն էլ իւր ամբողջութիւնով անասան մնալով առանձին խոր տպաւորութիւն է գործում մարդու վերաբերեալ 104, իսկ լաւնութիւնը 45¹/₂ ոտք է և շրջապատւած է երկու կողմերից 13-ական, իսկ առջևից ու ետևից Յ.ական դորեան սիւներով։ Ամբողջ շէնքի երբեմն սպիտակ մարմարոնը ժամանակի ընթացքում ոսկեխալ է դառել և աւելի ճոխ ու զմալկելի կերպարանք ընդունել։ Տաճարի մարմարոնեալ ձեղունն էլ բոլորովին գուցէ մնացել, և այս ծածկոյթի տակ պահպանւում են իրան վերաբերեալ զանազան արձաններ ու այլ քանդակներ։

Հաղիւ կէս ժամ հեռանալով Թեղէնից մենք մօտենում ենք Յաւէր-ժահարաների կամ զարճութեան բլրի կռմանին, որ մեզ տանում է դէպի դադաթը, ուր ասպառափի վրայ կառուցւած է զեղեցկաշէն աստղադիտարանը նոյնպէս մի լոյն հալոհնատէրի, բարոն Աննա Վեննացի հարուստ վաճառականի ծախքով 1842 թ.։ Այս աստղադիտարանը թէև ոչ այնքան մեծ, սակաւն ժամանակակից պահանջներին համեմատ լարմարութիւններով օժտւած մի հիմնարկութիւն է։ Նրա վերի ամենակարեւոր մասը՝ աշտարակը՝ ուր զետեղւած է հեռադէտը, ոչ միայն ամեն կողմից բացւում է, այլ և ամենախորքիկ ուժ գործ զննելով շնորհով միմեանց հաղցրած անխների ոտիտ տակն ալս ու ալն կողմն է չրջում՝ իբրև մի թեթև առարկայ։ Այս օրերն աստղադիտարանը մի նոր աւելի մեծ հեռադէտ էր նւէր տալիս նոյն անսպառ աղբիւրից։ Վարը կան մի երկու սենեակներ, որոնց մէջ իմ ուշադրութիւնը գրաւեց աստղաբաշխութեան վերաբերեալ ճոխ մատենադարանն, զիտէ որ Նւիրատուից հարուստ ընթերցարանն և մի երկնացոյց քարտէջ որի վրայ Խւիտա Շմիդը զերմանական տոկոնութիւնով քարտէք էր թափել 1840—1874 թ., ալսինքն՝ մարդու կէս կեանքը... Եւ շնորհակալութիւն չառնելով ազնիւ լոյն աստղաբաշխ երիտասարդին՝ իմ բարեկամի հետ վաղը իջալ և հիմալ առանձին դէպի Պնիքսը, հեղինների ժողովատեղին շտապեցի՝ ալսօր այլ ևս չը կամենալով իմ բժշկին արդեւք լինել։

Աստղադիտարանից դէպի հարաւ արեւելք՝ աւելի հեռուն երևում է Ակրոպոլիսը, իսկ ալս երկուսի ճանապարհի աջ կողմը Պնիքսը, ձախ կողմը Արէօպազն է։ Պնիքս բլուրն Ակրոպոլիսից ցած, բաւց աւելի ընդարձակ է։ Նրա ստորոտում մեծ ծերուկ ինւալիդ պահապանը նստած Սոկրատէսի բանտի դրան՝ լաճախորդների է սպասում։ Ենթադրում են, իսկ մեր ծերուկն, ի հարկէ, հաւատում է, որ իսկ ալստեղ էր աղատութիւնից զրկւել ամենաազատ ոգիներից մէկը, որ ով գիտէ ինչպիսի կծու հեղնութիւնով ծաղրում էր իւր ձեռապաշտ հակառակորդներին, մինչև իւր կեանքի վերջին վարկեանն ամենաազատ մնալով նոյն իսկ բաժնորկեութեան մէջ։ Համարեա 2400 տարի առաջ էր, որ ալս մեծ և համեստ փիլիսոփան,

այս պարտաճանաչ համեստ քաղաքացին մի ալսպիտի բանտում կնքեց իւր աղնիւ կեանքը դադարաւարական ազատութիւնը մարմնաւորից գերադասելով: Ահա այս ժպտի մէջ փորած ներքնատնում՝ խոր վիրապումն էր, որ նրան արգելեցին ժամանակակից խաւարամիտները: Վերելից այս բանտն ունի մի ծակ, որտեղից լուս է թափ անցում, իսկ ներքեից՝ դետնի վրա մի քառակուսի դռնակ: Ամբողջը կոնաձև է:

Վերուիշեալ բացօդեալ քաղաքական ժողովատեղին սարահարթի վրա մի բաւականին ընդարձակ տեղ է բռնում—395 ոտք երկարութիւն և 212 ոտք լայնութիւն: Բարձրագոյն սահմանի վրա բարձրանում է ուղղահայեաց կտրած ապառաժը, որին պէլազդեան ծագումն են վերապրում: Այս պատի վրա եղել են նւիրական տախտակներ «բարձրագոյն Արամազդին» ընծալաբերած, որոնք գտնւում են բրիտանական թանգարանում: Այս ապառաժի վրա ելնում էին հեղինակաւ ճարտասանները և վարը՝ սարահարթի վրա կանգնած ժողովրդին ատենաբանութիւններ էին անում:

Ակրոպոլիսի արևմտա-հիւսիսային ստորոտից բարձրանում են խառն ի խուռն ապարաժներ, որոնց վրա տեսնում ենք արհեստական 15 աստիճաններ ու սանդուղքներ. սա Արէոս Պագոնէկամ Մարսի բլուրը: Այս է հին Արէօպագը, հեղինակաւ բարձրագոյն դատական ատեանն, ուր դատի էին ենթարկւում մահաւան ու կեանքի վերաբերեալ ծանր խնդիրները: Նա գտնութիւն ունէր՝ աթէնական պատկառելի քաղաքացիների ժամանակներից: Այս բլուրը նաև Մարսլ անունն է կրում, որովհետև սա է եղել առաջինը, որ չալիթրօտիոսի սպանման պատճառով ալստեղ դատի է ենթարկւել, նոյնպէս և Օրէստ ալստեղ դատաւիճիւ լսեց իւր մօր Վլիտէմէստրալին կեանքից զրկելու համար:

Արդ իջնենք այն չքնաղ հեղինակաւ ժողովրդի մահկանացուների և անմահների բնակավայրերից, ուր նրանք իշխում, դատում, զարճանում, սիրում ու սիրւում, ոգեւորում ու ոգեւորում էին... ուր այն ժողովրդի հարուստ երևակալութեան իւրաքանչիւր սիրելի իդէալը ալնպէս բարձր ալնպէս վեհ ներկայացուցիչներ էր ունեցել: Այն մինչդեռ մենք մեր քաղլերն ուղղում ենք դէպի այս հնութիւնների ժողովածուները (թանգարանները) և նորագոյն իդէալների ներկայացուցիչ հիմնարկութիւնները, մեր քիչօքիւթեան մէջ ճանաչանաբար արթնանում են հալ նախնական կեանքի իդէալները. մեղ ներկայանում են մեր ժողովրդական կեանքի համաստեղածեան շրջանից լետոյ երևան եկող բազմաստեղածեանը և այս կրօնի իդէալները իրանց բնորոշ գոյներով՝ մեծ մասը համաձայն հեղինակաւների: Ո՛ւր են մեր այն իդէալները, մեր նախնիքների այն սիրելի աստեղածեանքի հետքերը, մտածում ենք մենք վշտահար սրտով: Ո՛ւր մեր հալը Արամազդը (Օրմուզդ, Յօլս, Բահաղ (?), Բէլ), որ իշխում էր Անիում, Մծբնում, որտեղից Արգարի ձեռքով Նդեմա տեղափոխւեց և որ Բագաւանում, ար-

ձանները ալն աւանում (Բագում), լաւթական հրի հետ միութիւն կազմեց, Ուր Միհր (Մետրա=Հեփեստրա) արձանը երբեմն Դերջանում, ուր Վահագնինը, որ ապա Հէրկուլէսի հետ շփոթում էին հպերն և որ Աշտիշատում էր եղել, ուր է Անահտի ¹⁾ (Աֆրոդիտի) արձանը, որ Տիգրան Բ. Հէրկուլէսի մօտ բաղմեցրեց, ուր Աստղիկը Տարոնեան, որին Նաւասարդին վարդ ու աղանի էին նւիրաբերում, սրբութեան, քնքշութեան, գեղեցկութեան, անուշաոտութեան ալս շքնաղ ներկաւացուցիչներն, ուր Բարշամ հերոսինը փղոսկրից, բիւրեղից և արծաթից, ուր են վերջապէս Ոլիմպեան Արամաղդի և Ապոդոնի տաճարներն ու արձանները՝ Յիշնք ալտող նաև ալն բաղմաթիւ աստուածների անուշները որոնք կազմում էին հին հպերի հարուստ երեակալութեան հիանալի արդիւնքները ²⁾։ Յաւալի է որ մի կողմից քրիստոնէական բուռն հոսանքը և միւս կողմից բնութիւնն ալնքան անհետացրել են ալն աստուածների հետքերը, որ մենք գտնէ մինչև հիմա տակաւին ոչինչ չենք գտել։ Պէտք է ենթադրել, որ ալն արձանների նիւթը մարմարիտն չը լինելով կարող էր աւելի շատ քաւքաւել, որովհետև մեր հպերնիքը համարեա թէ զուրկ էր ալն կարևոր հարստութիւնից, իսկ Յունաստանից բերած մարմարոնեալ արձանները հազորակցութեան անհնարին դժւարութիւնների պատճառով բաղմաթիւ չէին կարող լինել։ Բալց և ալնպէս՝ ինչո՞ւ չի կարելի չուալ, որ մի օր մեր երկիրն էլ շնորհով հետադոտութիւնների՝ լուս աշխարհ հանէր ալն թանկապին նշխարները քանի որ նոյն իսկ Յունաստանում դեռ ալնքան հնութիւններ անկալտութեան մէջ էին մնացել մինչև վերջին տարիներն ու օրերը։

Հիմա դառնալով նորադոն շինութիւններին՝ մենք նախ և առաջ գնանք տեմնելու ցուցահանդէսի գեղեցիկ ու չարմարաւոր, կիսաշրջանաձև շէնքը, որ գտնւում է Ստադէոնի (ընթալարանի) հանդէպ՝ Խլիսոս առուի միւս կողմը։ Այս ընդարձակ հիմնարկութիւնը ծառաւում է տեղական ար-

¹⁾ Նորադոն հետադոտութիւնները մեր Անահտիտը ենթադրում են համանիւ Արտէմիդին=Դիանա=Աստարտ (քաղդէական), դուստր Արամաղդի կամ Խպեսէրի։ Անահտի ներկաւացուցիչ Աստղիկն, ըստ Ասորեստանի տեպաձև արձանագրութիւնների, ներմուծած է Հալաստան Ժ. դարից, երբ նա Նուաձեց Թագաթ-փաղասար Գ. ձեռքով։ Ինչպէս լալտնի է, մեր Նախնիքը Նրիդալում շինել էին Աստղիկի ոսկեալ արձանը (Ոսկեալ մալր, Ոսկեաձին կամ Ոսկեհատ) Սքէրի ոսկէ հանքերին մօտ։ Գուցէ եղիպտական Նուրիալից առած, ուր նա նոյն ոսկի անուշն ունէր։ Հները նաև Վէնուան էին Անահիտ թարգմանում։ Նոյն գաղափարի ներկաւացուցիչն էր հնդկական, բալտրիական և պարսկական Նանոն։

²⁾ Խնամակալ 7 աստուածներ, մասնաւոր աստուածներ՝ գրող, ճիւղ, լաւթականներ, պալք (արու), պարիկ, լուչկապարիկ, Նամբարու, Շահալետ, Նհանգ, բաշերի աստուածներ՝ Տիկ, Յարալէզ։

տաղրութիւններէ պարբերական ցուցահանդէսներին, որոնց տեսնելու գէպը մենք չունեցանք. սա մի հիմնարկութիւն է որ մի եւրոպական մեծ քաղաքի պարծանքներից մէկը կարող էր համարուել. Առջեւը գտնուում է ծառաստան ու ծաղկոց, կարծեսք հիմնադիրների երկու գեղեցիկ արձաններով:

Մենք, այս հրապարակից մի քիչ դէպի արեւմուտք գնալով՝ նորից հանդիպում ենք «հէլէնաստիական» ճոխ ծառուղիին, որ պալատի և Սահմանադրութեան հրապարակի միջավայրից անցնելով միանում է Աթէնքի շքեղագոյն փողոցներից մինի, հոմալսարանականի հետ. Այս վերին աստիճանի ընդարձակ ու ծառաղարդ փողոցը ծալրէ ի ծալր ասպարաններից է բաղկանում, որոնց մէջ հասարակական շէնքերն առանձին ուշադրութիւն են դրաւում. Նախ մեր աջ կողմում մի հրապարակի վրայ բարձրանում է գիտութիւնների ճեմարանը, մի հազագին հոլաշէն հիմնարկութիւն, որ ներսից ու դրսից իւր արձաններով ամբողջովին անրիժ ձիւնախալ մարմարոտեց է. Այս էլ վիեննայի բարոն Սենալի ընտանիքի շառաւիղներից վերջինն է շինել շատ միլիոններ ծախսելով. Աթէնական ճեմարանը Փրանսական Խնստիոտուտի և Բերլինի Ակադէմիայի ձեռքն է շինւած. Դրան առջեւ՝ մուտքից մօտ 36—40 ոտք հեռու՝ բազմած են աջ ու ձախ կողմից Սոկրատէսի և Պլատոնի պատկանելի արձանները, որոնք վեհութիւն ու իմաստութիւն են արտայայտում. Աւելի ներսով շինութեան միջնամասի երկու կողմերը բարձրանում են Խօնեան բարձր հրաշակեալ սիւների վրայ Ապոլոնը քնարը ձեւին և Աթէնասը ¹⁾ Նիդալն ու վահանը, երկու վեհաշուք կերպարանքների, որոնք բարձրանալով այս գիտութեան տաճարի վրայ հրէշտակների պէս հովանաւորում են նրան. Ամբողջ շէնքը խօնական ոճով է, բազմաթիւ բարձրաքանդակներով ու ոսկեալ, կապուտ ու կարմիր նկարներով զարդարւած. Գոչնդգոչ մարմարոտեալ նրբանցքը մտնելով մեր առաջ տեսնում ենք ժողովարանը, ուր դրած է մինչև անգամ կանաչ սեղանը, բազ ասեղ որ դեռ անց գիտնականները չկան. Այս սեղանի շուրջը ձաձն մարմարոտեալ գեղաքանդակ աստիճանների, իսկ նրա գլխին հիմնադրի գեղեցիկ արձանը. Չորս պատերի վրայ Պրոմէթէոսի կեանքի ութը հիանալի տեսարանները ձիթանկարներով ներկայացրած վիեննայի նկարիչ Գրեպնկէրլի վրձինով. Տարաբաղաբար այս հոլակապ հիմնարկութիւնը, որ պէտք է աթէնական հողի վրայ միացնէր չունական գիտնականներին օտարազգիների հետ և մի միջազգային բարձրագոյն կաճառ կազմէր, չէ հասած այդ ըզձալի օրւան, մի

¹⁾ Յիւնցնում է Ակրոպոլիսի ահաւոր ու չքնաղ Աթէնաս Պալլասը, որ ծովից երևում էր. Նորը քանդակել է Ֆիդիասի արժանաւոր ժառանգ լոյն Դրոզոսը:

նպատակի որ դեռ չատ դժար է իրադրծել, ձեմարանիս աջակողմեան ընդարձակ սրահում ալժմ զետեղւած է դրամագիտական ժողովածուն, որի հարստութիւնը չունի և ոչ մի եւրոպականը: Մինչև հիմա հաւաքւած է 100 հազար կտոր, որ մի մասը մէկ միլիոն ֆր. արժողութիւնով թանգարանին նւիրել է Նդիպտոտում բնակող մի ալլ հայրենասէր: Ամենահին դրամը Քրիստոսից 700 տարի առաջ է շինւած և իսկ ձւած և է: Հալկական դրամները բաժանմունքը դեռ աղքատ է, կան 22 հատ միջնադարեան, բոլոր բարակ:

ա. Մի դրամնոց՝ «Լեոն Բ. Թագաւոր Հալոց»:

բ. Նոյնի կիսնոցը:

գ. «Հեթում Թագաւոր Հալոց» իսկ միւս երեսում՝ «շինեալ ի քաղաքն ի Սիս», մի երեսում թագաւորի պատկերը՝ միւսում խաչ՝ չորս մահիկներով: Այս դրամը պուլ էր անւանւում և սղինձեալ էր:

դ. Սմբատ ձիււոր մի երեսում, միւսում խաչ, դրամ անագապղնձեալ (բրոնզ):

ե. Կոստանդին Բ.

զ. Լեոն Ն. մի երեսում ձիււոր, միւսում առիծ:

Մենք մի քանի տարի առաջ տեսել ենք հայկական հազարաւոր դրամների ամենահարուստ ժողովածուն Վիեննայի Միթիարեան ուխտի թանգարանում, որ մեծ հարստութիւն է ¹⁾: ձեմարանի շարքում գտնւում է նաև համալսարանը, որ մի փողոցով է զատւած առաջինից: Աթէնական ալս գիտութիւնների տաճարը հիմնեց 1837 թ. կոպէնհագէնցի Հաննի ձեռքով և իւր սիւնադարձ նախարարը զարդարեց ձիթանկար պատկերներով: Դրան աջ ու ձախ կողմերը կանգնած են Գրիգոր պատրիարքի և Բիզոս բանաստեղծի արձանները, իսկ աւելի առաջ երևելի լոյն լեզադէտ Կերակնինը, որի մասին ես խօսել եմ Փիտտի առիթով: Համալսարանի կաղնակերպութիւնը գերմանական է, ունի չորս ֆակուլտետներ՝ աստուածաբանական, իրաւաբանական, բժշկական և լեզաբանական, ուսանողներ՝ 1500, իսկ ուսուցչապետներ՝ 60 հոգի՝ բացի մասնաւոր դասախօսներից: Համալսարանի լրացուցիչ մասերն են՝ դեղագործական դպրոց, քիմիական և անգամահատական ինստիտուտներ, աստղագիտարան, դրաղարան 100 հազար զրքերով, աղալին պատմութեան թանգարան և բաղմարեատեան սրահ: Մատենադարանի համար հիմա համալսարանի կողքին մի մեծ մարմարոնեալ ապարան են շինուել:

Այս բարձրագոյն հիմնարկութիւններից վստով ես ժամանակ ունեցալ նաև երկու ուսումնարաններ տեսնելու, նոյն փողոցի վրայ: Մինն իմ վերոյշեալ ընկերի պաշտօնատեղին էր, աղալոց մի մասնաւոր ուսումնարան,

¹⁾ Տես ալս մասին վերջին օրերիս հրատարակութիւնը նոյն ուխտից:

կոկիկ, ամեն ժամանակակից պահանջներին համապատասխան: Նրկրորդը Արսակէոննէր 30 տարի անհատական բարեգործութիւնով հիմնած, ունի 1500 աշակերտութիւններ, մի մասը գիշերօթիկ և զատւած, մի գերմանուհի տեսչուհու հսկողութիւն տակ:

Ես նախ երթեկներէրէ բաժանմունքը մտալ Բարեբաղդաբար ասեմ թէ տարաբաղդաբար՝ ալդ օրերն ամսագլուխ լինելով տեսուչը ծնողներին հրաւիրում էր և ծով աշակերտութիւններին նրանց ներկայութիւնով լանդի-մանում և որին էլ ազդարարում, որ եթէ աղղպէս շարունակէ, պէտք է արտաքսուի: Ես պատահեցի մի հասակաւոր խեղճ աշակերտուհու անաւոր դատաստանին. և թէ և լուսարէն շատ քիչ էի հասկանում, տակա՛ն ալդ տաղտկալի տեսարանն ինձ վրա շատ ծանր ազդեց: Միթէ չէր կարող խեղճն անընդունակութիւնից ետ մնացած լինել և ինչպէս կարելի էր աղղպէս նոյն իսկ օտարներէ ներկայութիւնով լանդիմանել: Միւս բաժան-մունքից ընդհակառակը շատ ուրախ տպաւորութիւնով հեռացալ Աստեղ իմ մասնաւոր ուշադրութիւնը գրաւեցին ուսուցչացուհիները, որոնք վար-ժուէիներէ ներկայութիւնով դաս էին աւանդում վարժոցի փոքրիկներին, դասատուի ընկերուհիներն իրանց փշտակաբաններով նկատողութիւններ էին գրում ժողովին քննադատելու համար: Կարծես Գերմանիայումն էի:

Մի օր էլ իմ բարեկամ բժիշկն ինձ առաջնորդեց դէպի Պարնասոս ակումբը, որ իւր բարձր ձգտումներով վրաւի՝ արժանի է ալդ կուսմանը: Սա. մի շքեղ եռալարկ հաստատութիւն է, ելեքտրական լուսաւորութիւ-նով, ճաշակաւոր կահ կարասիքով, բալց դիտմամբ բոլոր տեղական ար-տադրութիւններից: Պարնասոսի գլխաւոր գործունէութիւններից մէկն է աչքաւոր ու անտէր մանուկներին և պատանիներին, որոնք հիմա 560 են, երեկոյեան ժամերին ուսում տալը: Նրանց վրա ծախսում է 35 հա-զար ֆր.: Աստեղ մի վերին աստիճանի համակրական հաստատութիւն ևս կա, այն է՝ ալդ բանւոր, արհեստաւոր և ալ աշակերտների խնայողական դանձաբանը, որ չորս տարւալ մէջ գանձել է 60 հազար ֆրանկ (աւելի ճիշտ գրախմբութեամբ քառորդին մօտաւորապէս): Վերն ակումբն ունի մի հա-րուստ մատենադարան և ընթերցարան, որոնք ծառայում են զանազան մասնագիտութիւնների վերաբերեալ մասնաժողովներին, որոնք ալ և ալ սէկցիոնների անունով գործում են ալ պատկառելի լարիլ տակ:

Համալսարանական ծառայարդ փողոցով մննք շարունակում ենք դէպի հիւսիս արեմուտք երթալ և հասնում ենք Պատեսոս նոյնպէս ընդարձակ ու երկար փողոցը, որի վրա գտնւում են Աթէնքի երկու պատկառելի թան-գարանները՝ մինը բազմարեւոտեան Խնտախտալի մէջ, միւսը սրան կից մի աւելի ընդարձակ քառակուսի շինութեան մէջ, որ աղղալին կամ կենտրոնական թանգարան է անւանւում, նոյնպէս բարեգործութիւններով զուլս բերած:

Պոլեոսիխնիկ ինստիտուտում անւանած հիմնարկութեան մէջ, ալը բարձրագոյն մասնագիտական հաստատութիւններու սրահներէից ու լսարաններէից զատ, գտնուում են վարի լարկում նորագոյն ազգային պատմական եղելութիւններէ վերադասարկները՝ զանազան պատկերներ, դէնքեր, արձանագորութիւններ, նաւերի խելք և ալլն, իսկ վերեւում Միկէնեան հնութիւններէ ժողովածու, հնախօսական ընկերութեան թանգարանը, թրծուն կաւեղէններէ (տէրապոսա) և անագապոյնձեալ ժողովածուն և վերջապէս երեսնէ դեղանացի հնախօս Շլիմանի ոսկեալ անգին ժողովածուն։ Մեր ալս նկարագիրը շատ երկարեց, ուստի և մենք չը կարողանալով ալս շահագորդիւ հիմնարկութիւններէ վերաբերմամբ մանրամասնօրէն խօսելու, վեր առնենք ալս բոլոր ժողովածուներէից մին, օրինակ՝ թրծուն կաւեղէնները նրանց ծագման նախնական աստիճաններէից, երբ մարդկութիւնը տակաւին զարգացման մանկական աստիճանի վերալ էր գտնուում և հետզհետէ հետեւելով ալս արհեստ գեղարւեստի արտադրութիւններէ լաւաջողիմական ընթացքին՝ մենք ալստեղ մի քանի բոպէում կը համոզւենք, թէ որքան ուղիղ է ալն սկզբունքը, որ մի անհատի մտաւոր ու ֆիզիկական զարգացումը մի համառօտութիւն է մարդկութեան քաղաքակրթութեան պատմութեան։ Պարզենք աւելի. մենք օրինակ Աթէնքում ալսօր թանգարանում տեսնում ենք կաւեալ մարդկալին մարմիններէ նմանութիւններ, որոնք ոչ ալ ինչ են, եթէ ոչ՝ մի-մի քառակուսի տափարակ կտորներ իրանի փոխարէն, մի շրջան՝ զլիսի և չորս կտորներ ձեռք ու ոտքերի տեղ, ճիշտ ալնպիսի բաներ, ինչ որ նկարում է ամեն ժողովուրդներէ ժամանակակից մանուկը, երբ առաջին անգամ մատիտ է ընկնում նորա ձեռքը, ու շինում, երբ՝ կաւ է ընկնում ձեռքը։ Այս միջոցով մարդկութիւնը, ով գիտէ քանի հազարաւոր տարիներ ալը «գեղարւեստական» աստիճանի վրալ կանգնած էր մնացել, ալստեղ մեր ալքի առաջ մի քանի տարում մի անհատ արագութիւնով անցնում է ալն բոլոր աստիճանները և ալնպիսի հրաշակերտ արձաններ է քանդակում, որոնք մարդկութեան ալն պատկառելի ամբողջ կեանքի արտադրութիւնն էին եղել, ալսինքն ինչ որ մարդկութիւնը շատ հազարաւոր տարիներէ շրջանում արեց, ալը նոյնը ժամանակակից անհատը կատարում է մի քանի տարում։ Այն թէ ինչ է նշանակում աւանդութիւն և ուսում։ Այս առիթով վիշնք, որ մենք ալստեսցինք նաև մի քանի արհեստանոցներ քանդակագործների, աստղածագործների և ալն լաճախել, որոնց արտադրութիւնները մեզ մեծ զարմանք պատճառեցին. մենք ալստեղ կանառես եղանք, թէ ինչպէս մի նիւրոզ տաղանդաւոր ժողովուրդ նման մի անհատի լանկարծ սթափուլով կարող է կարճ ժամանակում իւր ընտուր ճոխ և հարուստ ձիւքերով հրաշքներ գործել։ Ալսօրալ Աթէնքի ամենալքնաղ արձաններն, ինչպէս ալս կամ ալն առիթով վիշնցի, լոճական ձեռքի արդիւնքներն են։

Այսօր չորեքշաբթի է, տակաւին 7—8 ժամ էլ ունենք մինչև շողե-
նաւի մեկնելն, ուստի շտապենք դէպի Դիպլոնը, նախնի Եթէնացիները
մեծ հպարտութեամբ զերեզմանատունը, ուր տեսնում ենք շատ մահա-
ձաններ դեռ զարմանալի գեղեցկութիւնով ալս բացօդեալ վայրում: Ան-
ալս Դիպլոնը սկզբնատեղին էր այն «ճակարական ճանապարհ», որ դէպի
Էլօզլիս էր տանում, դէպի միատեղիանների այն տաճարը, որ Պարթէնո-
նից էլ մեծ էր եղել: Մենք ալս ճանապարհը բռնելով գնում ենք դէպի
հիւսիս՝ Պէլոպոնէսեան երկաթուղու կայարանն, ուր մենք սպասում էինք
Մեգարալի «փանահէրի» առիթով մեծ բազմութիւն տեսնել, թէև այսօր
խրաքանչիւր ժամ կառախում էր դեպի զալու, նոյն իսկ ալս առաջին
անգամին ասեղ ձգելու տեղ չը կալ: Այսօր տոմսակն երեք ժամալ ճանա-
պարհի համար դիտմամբ ամենաչնչին գին ունի, այսօր Յունաստանի ան-
հատնում փանահէրերից (պանագերիա) մէկն է, իբրև միացորդ անցնալ
կեանքի և նոյն օրը Ակրոպոլիսն էլ իւր Պանաթէնեան տօների լիւստա-
կին զուտ փանահէր ունին: Մի քիչ լետու զանգակը հնչում է և մենք
սլանում ենք «ճակարական ճանապարհով»: Մեր ձախ կողմից համարեա
միշտ երևում է ծովը, իսկ ալ կողմից ալգիներ, արտեր և բլուրներ: Հոյն
ալստեղ ալսքան մշակած ու արդաւանդ չի երևում, որքան Զմիւռնիալի
և նրա շրջակայքինը: Նրկու ժամ լետու մենք թէև Էլօզլիս ենք հասնում,
սակալս ես ալս կողմից ուղղակի շարունակում եմ միւսների հետ դէպի
Մեգարա, մի գիւղաքաղաք (գլխաւոր քաղաք Մեգարալի) 5300 բնակիչ-
ներով: Տները գիւղական են, սակալս ի հարկէ ոչ գեանաւոր, ալ կանո-
նաւոր, սակալս մենք ժամանակ չունենալով շտապում ենք դէպի հանդի-
սալալը գիւղից դուրս, ուր վրաններ են զարկած: Մի քիչ պանիւր հաց,
մի հաւկիթ ուտելու ու մի բաժակ անպիտան գինի խմելու վճարում ենք
աւելի սուղ՝ քան Աթէնքի լաւագոյն ճաշարանում և անհամբերութիւ-
նով սպասում պարերին, որոնք ամբողջ Յունաստանում եղական ձև ու
եղանակ ունին: Հետզհետէ բաց ճանապարհի վրալ հաւաքում են խումբ
խումբ հարս ու աղջիկները, որոնց ճաշակաւոր զուգան և արդ ու զարդը
գրաւում են մեր ուշադրութիւնը: Նրանք հագած են մի սպիտակ և մա-
քուր ներքնոց, սրա վրալից սև՝ վերնից ի վալր զուգահեռական նեղլիկ
ծալքերով «էնթէրիկ» պէս մի բան, քղանցքներն եւանկիւնի վեր-կարած,
սպիտակ կրծկալ կրծքի վրալ բուստի և զանազանագոյն լուլունքների
շատ շարքեր, զեղին ու սպիտակ մանակներ. ճակատից սկսած մինչև
ծոճրակը արծաթեալ դրամների բազմաշար (պտուցներ), երկար սևաթուր
մազերը ոսկեթել վնջով վերջաւորած, որից կախած են մետաքսեղէն
գոլիզգոլն ժապաւնները, գլխի վրալից կամ տանկական «եղալալի» նման
շղարշ և կամ, եթէ հարստի է, Աթէնքի նուրբ ոսկենկար սպիտակ շղար-
շատես: Համարեա բոլորը բարձրահասակ ու բարեկալմ են, երեսներին

գծագրութիւնը նուրբ ու կանոնաւոր, կան նաեւ գեղեցկութիւններ, Ահա, երբ բաւական հաւաքեցին, մի գծի վրայ շարւելով ձեռք ձեռքի տւին ու սկսեցին իրանց քնքով ու մեղմիկ պարերով, Նա բաւականին երկիրներ պտտել եմ ու ժողովուրդներէ կեանքի նաեւ ալս ուրախական երեւոյթներով հետաքրքրել, սակաւն և ոչ մի տեղ չեմ տեսել ալս ակնապարար տեսարանը, որ նման էր կռուներէ երամին, խորդապարին, որ դարնան բացելիս հեռու երկնքում մեղմիկ-մեղմիկ ընթանում է մի քաղցր, մի ուրախառիթ երգ նւագելով, Այս հարս ու աղջիկներէ պարն էլ մի տեղ չէր մնում, ալ ճանապարհի ուղղութեամբ լաւաջ խաղում և ապա պարավարից բաւական հեռանալով՝ պարագլուխը նրա ծալքը կորացնում ու լետ էր դարձնում, Բալց ավտոս որ միայն մի քանի բոպէ ունինք, մենք մի ակնարկ ևս ենք ձգում ալս գեղանի և սիրուն տեսարանի վրայ ու կապարանն շտապում, ճանապարհին լիւում ենք Աթէնքում՝ Արէօպալ լեւան ստորոտի մի տան մէջ մեր տեսած գեղջկական պարը, որ շատ նման էր կարնեցիկներէ ևետ ու առաջինն՝ կլորի պարի մի տեսակին:

Ելօղէս, որ հիմաւ Լէւելինա է անւանւում, մի հասարակ գիւղ է, սակաւն երեւելի իւր հնութիւններով, որոնց մէջ վերեւում մեր քանիցս լիշւած տաճարն է դտնւում, ուր կատարւում էին միատէրեանները, կրօնական տօնախմբութիւնները, Այս ավերակների պատմական անցեալը շատ նման է ակէնականին, և ինչպէս Ակրոպոլիսն ունի իւր դուռ թանգարանը, լուծական հնախօսական ընկերութիւնն ալստեղ էլ հիմնել է մի ուրիշը, ուր շարունակ դործում է մի հմուտ հնախօս, որին մենք լանձնարարութիւնով ներկայացանք, Աղնիւ լոյն գիտնականը սիրով ցոլց տւեց մեզ ըտլոր ավերակները, որոնց մէջ հռովմէական չէնքերը և մանաւանդ հեռաւոր ջրօղիների հետքերը նշանաւոր տեղ են ըռնում, Թանգարանում մենք տեսանք և լուծական հռովմէական ժամանակների բազմաթիւ արձաններ, թրծուն կաւեալ արձանիկներ, անօթեղէններ և ալին, որոնք մասամբ կարգաւորած, ամբողջացած էին:

Կալարան վերադառնալով տեղեկացալ, որ իզուր եմ Մեզարալից շտապել, որ ալս անգամ կառախումբը երկու ժամից լետող է գալու, ուստի շուրջն նայեցի մի քանի գեղջուկ մանուկներ տեսալ և նրանց գրաւելու համար՝ ցոլց տւինք իմ հեռագրիտակը, Թէն ևս նրանց հետ շատ բան չէի կարող խօսել, սակաւն վրայ հասան երկու ակէնացի. ինչպէս երեւում էր, վաճառականներ, որոնցից մէկը բաւականին Քրանսերէն գիտէր, Մենք հարցովորձեցինք ալս աշակերտներին, Թէ նրանք ինչ գիտեն և վաճառականներից մէկը հարցրեց, Թէ արդեօք նրանք Հերոդոտին սիրում են: Ի՞նչպէս չէ, պատասխանեց մանուկը, կարծես զարմանալով, չէ որ նա մեզ պատմում է մեր քաջերի պատերազմները պարսիկների հետ, մեր Միլթի:

աղէսի, մեր Թէմեստոկլէսի մասին: Ձեր անուններն ինչ է, հարցրի ես, մին թէ՛ Արիստիդէս, միւսը Միլթիադէս, երրորդը՝ Սոկրատէս, չորրորդը Պլատոն, նոյն անուններն, ինչ որ աթէնական ուսումնարաններում ես չարունակ լսում էի, անմահ անուններ, որոնք թունդ են հանում նոյն իսկ ոտաբականներին սրտերը: Դէհ, եկ ու մի արթնանար, ո՞վ դու երջանիկ սերունդ հելլենացիներին:

Այսպէս՝ սիրելի հալքենակից, բիւրաւոր քաղցր տպաւորութիւններով, նորանոր մտածմունքներով ու բուռն զգացմունքներով զեղուն սրտով հեռացալ այս հին քաղաքակրթութեան կենդրոնից, եւ դու, ո՞վ հալ մարդ, երբ մի օր բաղդ ունենաս հելլենական զարթագին ծովեզրին մօտենալու, իբրև քաղցր պարտականութիւն խորհուրդ եմ տալիս քեզ, չը խնայել մի քանի օր պանծալի Աթէնքին նւիրելու: Ես շատ երկիր չըջնել, շատ մալրաքաղաքներ եմ տեսել, սակայն և ոչ մինն ինձ վրալ աչն խոր տպաւորութիւն է գործել, ինչ որ ես հալքենիք եմ բերում Աթէնքից:

Հին Աթէնքի աւերակներն իրանց վնասութիւնով, նոր Աթէնքը իւր մեծ լաւաջաղիմութիւնով, մինը հիացնում, միւսը ցնծութիւնով լցնում է ջո սիրտը, որ պատմական անցեալ ունեցող մի ժողովուրդ, իբրև մի սոսկական անհատ՝ երբ առիթը հնարաւորութիւն ունի ներկայանալ, վերարտադրում է իւր մտաւոր պաշարի հարստութիւնները և դիւրաւ իւրացնում նոր քաղաքակրթութիւնը: Ի՞նչ մեծ միսիթարութիւն, ի՞նչ սիրելի սփոփանք ժողովուրդներին և մարդկութեան սրտին, որ աշնքան լուսահատական երեւութներով շրջապատւած է եղել և է տակաւին:

Ջմիրտնիա: